

Eqquiniaasitsinermi akileraarutit pillugit Inatsisartut inatsisaata allannguutissaatut Inatsisartut inatsisissaannut

§ 1

Eqquiniaasitsinermi akileraarutit pillugit Inatsisartut inatsisaanni nr. 1,31. oktober 1987-imeersumi makku allannguutigittinneqarput:

1. § 1, imm. 1 imaalerpoq:

"Imm. 1. Kalaallit Nunaanni eqquiniaasitsinerni eqqukkat 200 koruuninit amerlaneruppata amerlanerussutaasut 15 %-iini akileraarusiisoqartassaaq."

2. § 1, imm. 2 imaalerpoq:

"Imm. 2. Eqquiniaasitsisoq pisussaavoq eqqukkap tunniunneqannginnerani akileraarutit unerartinnissaanut kingornatigullu akileraarutit akilerneqarnissaanut, takuuk § 3, imm. 1."

3. § 1, imm. 3 imaalerpoq:

"Imm. 3. Eqqugassat aningaasaanngippata, taakkua nalinginnaasumik niuernermi nalingat naapertorlugu eqquiniaasitsisup akileraarut naatsorsussavaa, kingornatigullu akileraarut akilissallugu, takuuk § 3, imm. 1."

4. § 1-imi immikkoortoq 4-tut ilanngunneqarpoq:

"Imm. 4. Immikkoortut 1-imiit 3-mut naapertorlugit akileraartussaaneq atortuussanngilaq, peqatigiiffiup kattuffiulluunniit il.il. qaammatisiutit malillugit ukiup ataatsip ingerlanerani eqquiniaasitsinerani eqqugassarititaasa katillutik nalingat 5.000 koruuniuppat minneruppalluunniit."

5. § 3, imm. 1 imaalerpoq:

"Imm. 1. Eqquiniaasitsisup eqqukkat nalingat Akileraartarnermi Pisorta qarfimmuut nalunaarutigalugulu akileraarutitassai akilereersimassavai eqquiniaasitsinerup kingorna kingusinnerpaamik ullut 14-it qaangiutsinnagit. Nalunaarutiginninneq pissaaq inunersugassaq, Akileraartarnermi Pisorta qarfimmit sananeqarsimasoq, atorlugu."

§ 2

Inatsisartut inatsisaat 1. juni 1992-imiit atuutilissaaq, eqquiniaasitsinernullu 1. juni 1992-imi kingusinnerusumiluunniit ingerlanneqartunut atortuussalluni.

Lars Emil Johansen

/

Emil Abelsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut